


TL

2048

S37

1051

V. 4



增刻商文毅公集卷之五目錄

詩

四言古句

滄洲六章 六首

五言古句

務本齋

題書屋

早朝

東郊草堂 有序

五言律句

送黃實夫赴春官 有序

喜雨

五言排律

太平樂

七言古句

題山水圖 三首

長安道

七言絕句

皇太子誕生喜而有賦 三首 題梅 二首

題仲昭竹

山水圖

桐江獨釣圖

送劉太守 二首

送陶進士

驄馬行春

贈蔣教授

壽吳英靈

送戶部白君歸省

送金掌教

贈何希貞

贈邳州衛指揮

送金太監出使

挽薩公子

元夜陪駕讌午門

挽王氏忠愛祠

英宗睿皇帝一律有序

商文毅公集卷之五

後學關東張一魁編輯

孝廉

吳達和
吳人芳

徐懋賢
方際泰

庠生

邵遂選
程希灝

余芳
余士玠

八世孫

商民戴
商民安

商民懷
商民容同校

詩

四言古句

滄洲八章

其一

維彼滄洲淦江之濱地因人勝騰芳縉紳

商文公集 卷之三
其二

維彼滄洲員嶠方壺人以地靈洵美且都

其三

維彼滄洲築室百堵有美斯人爰居爰處

其四

維彼滄洲詩書連楹緬懷伊人含華咀英

其五

維彼滄洲才賢淵藪黎民彥俊偉然稱首

其六

或舍而學或出而遊無營無求有光滄洲

五言古句

務本齋

狂客有佳齋結屋自藏脩
窓涵小池碧戶對南山幽
端居肄簡策閒適課鋤耰
百行力根本庶事清源流
上堂敬養備下堂友愛周
滌漣備甘旨顏色自和柔
壺漿分醫桑民泯菜色憂
邇來謝廷芳倏起拜宸旒
湛恩與汪澤旣渥亦已優
觀光願斯遂駕言旋椒丘
勗哉務忠孝足以貽孫謀

題書屋

高人事肥遯結屋俯流泉
旭日漾晴漪波光浮几筵
讀書

積歲月世味皆茫然何以寓佳况清咏詩連篇睠彼奔競者聲利徒喧喧

東郊草堂

有序

武進卞訓式之予契家子也承詩書之業守儉約之規學而能勤富而好禮嘗因輸粟賑饑受冠帶之旌間卽城東別墅構屋數楹爲藏脩之所扁曰東郊草堂示儉朴也日與群季懽聚其中於勢利泊然茲來京師謁予叙舊予嘉其志臨別因賦詩爲勗并簡其弟退之云

詩

毘陵有佳士才華當盛年名利弗關情雅志惟林泉結屋

向東郊爲厭城市喧茅茨成朴素葺飾絕丹鉛蒼松夾簷
楹脩竹羅堂前白壁森圖畫牙籤列簡編冠裳膺寵數
禮義紹家傳禾黍連田疇桑麻滿陌阡豈徒衣食足其美
子孫賢孝友遵彝範行藏協自然亢宗兼裕後此意須拳
拳退之應體念儉約同勉旃

早朝

五夜漏聲繁春風啟帝閣輪蹄馳大道冠冕拜殊恩禁柳
迎旌旆宮花隱掖垣從容侍朝罷雨露滿乾坤

五言律句

送黃實夫赴春官 有序

新安黃生華年十七來從予蚤夜汲汲能弗懈於用功
茲領京闈鄉薦年纔二十二可爲有志者矣會試赴
春官過予言別匆遽中成五言近體一章以贈并致屬
望之意云

詩

遠道相從日雲梯穩步時事成因有志天定復奚私獻策
登金榜居官侍玉墀平生忠與孝此去足施爲

五言排律

太平樂

玉帛來王會山河拱
帝京日行黃道正
星列泰階平人
醉笙歌地山圍錦繡城
宮花留舞燕御柳着啼鶯
蠻貊全歸化羗胡已罷兵
願書封禪藁虎拜頌河清

七言古句

題山水圖

三首

其一

畫師盤礴作筆勢
掃出江山數千里
崔嵬絕巘欲摩空
彷彿高巖起雲氣
浮雲開處見山骨
紫翠重重淨如洗
飛泉

落澗聽無聲幽谷含春如有意武陵此去疑不遠似有桃
花出流水隔江依柳起涼亭開牕面此雲山青客來相對
坐忘倦似說平生遺世情我觀斯圖坐嘆息清時誰肯終
泉石桑弧蓬矢作男兒竹帛千春照芳績君不見當年伊
尹耕有莘懽然一出安斯民

其二

生綃一幅高堂上彷彿名山勢千丈雲霞變態不可名掩
映長留萬古青層岡疊岫斷復續怒虎奔龍起還伏廓然
天雨初放晴萬壑千崖漱寒玉雲山峩峩何壯哉珠林物
外無纖埃長松百尺出幽澗飛橋橫跨山之隈携琴曳杖

者誰子疑是山中招隱回君不聞蓬萊山三峯夔絕非人
家計來三千餘萬丈惟有飛仙日往還龍眠畫筆奪造化
仙界移來指顧間公餘杜門無一事坐對斯圖心自閑

其三

前山磊落橫蒼翠後山倚疊連空起古木千章不記年亭
臺隱約清陰裏誰人樂隱碩且寬山根林下成盤桓幽尋
不見山路遠回首身在青雲端微茫遠水接天際扁舟一
葉橫江千得魚沽酒向何處遺此萬頃玻璃寒倏然雲散
天風靜山色如藍水如鏡良工墨妙如有神布出其中無
限景名山勝水殊天然此地疑與天台連採山釣水各忘

慮斯人莫是桃源仙與君同爲江南客萬里迢遙住
京國江南山水慣追尋披圖恍若親曾歷勸君斯圖好珍
惜異日還來訪真跡

長安道

層城迢迢入雲賒處處春風面面花長樂鍾聲催漏箭新
豐樹色擁行車歌姬舞榭留明月貴主粧樓結綺霞日暮
香塵連九陌鑾輿傳幸五侯家

七言絕句

聞 皇子誕生喜而有賦

三首

其一

聖祖 神宗慶有餘祥開椒掖誕 皇儲司天昨夜頻
候燁燁紅光遶 帝居

其二

朝來瑞氣藹 彤庭宮掖傳宣 聖子生福壽 天齊
宗社永謳謌處處動歡聲

其三

聖德巍巍契 上蒼 虹流華渚降禎祥本支繁衍 天
潢盛共祝 鴻圖萬世昌

題梅 二首

其一

玉雪爲骨冰爲魂暗香疎影月華新化工注意調羹實惟
有孤芳占早春

其二

鐵甕城邊雪正晴疎枝延帶暗香清歲寒每憶江南景此
日披圖慰我情

題仲昭竹

樓臺有暇多清趣寫出琅玕景逼真昨夜上林春雨遇化
龍頭角自嶙峋

山水圖

風清月白水無波二客相從倚棹歌醉後不知天欲曙高

懷千載出塵多

桐江獨釣圖

拂袖長歌入富春
滄江深處獨垂綸
短簑不換軒裳貴
手載高風有幾人

送劉太守調官桂陽二首

其一

秦郵去後每思君
共道當年太守循
懸想此行回首處
紛紛老稚候通津

其二

承恩又向日邊還
千里衡陽遠赴官
當宁憂民心正切

好施仁政惠凋殘

七言律句

送陶進士出宰魏縣

制科得士總賢英
百里居官豈稱情
爲是聖朝崇字牧
期將仁政慰蒼生
春農綠野安耕耨
夜犬花村絕吠聲
三載奏功書最績
定應超擢沐恩榮

驄馬行春

青年衣繡出烏臺
千里乘驄亦壯哉
到處陽和隨使節
滿腔春意發枯荑
仁聲自是清強悍
淑問頻聞脫青衿
攬轡澄清元有志
超邁應不負長才

贈蔣教授赴任

椿府當年老亞卿都臺繼武見難兄簪纓奕世推華族詩
禮傳芳播令名坐擁臯比專講席道尊模範慰諸生師垣
文教從茲盛武胄行看揔俊英

壽吳英靈母

榮壽堂中鶴髮親年登九十倍精神 龍章賜命恩光重
驥子承顏晝錦新誕節適逢秋景美綺筵稱慶頌聲頻新
詩願致長生祝遐算行觀百歲人

送戶部主事白君歸省

家學淵源業有成制科接武早蜚聲官登粉署才華美志

在親闈去就輕行李暫辭
丹鳳闕歸鞭遙指晉陵城錦
衣拜慶承懽後好展經綸佐治平

送全掌教之官晉江

一經自幸得師傳角藝詞林獨占先
百里儒官承寵擢
兩齋英俊屬陶甄春風泮水香芹美
暑雨閩山荔子鮮
別後定知重會處龍樓咫尺近
堯天

贈世醫何希貢

醫學傳家歷歲多杏林幾見發新柯
陰功前代曾推重事業今來復數何
不逐世情謀厚利惟將妙術起沉痾
難經素問勤探索遷擢行看列正科

贈邠州衛單指揮遷秩

元戎推薦出群才入覲曾聞

勅旨催河道直從畿甸達

糧艘盡向

帝城來誰云䟽濬非良策共喜陞遷荷

聖

裁忠孝平生懷素志佇看聲譽動三台

送金太監出使

星輅遠駕出

神京萬里風雲壯大程

天語傳宣遵指

授親闈趨拜倍光榮椿萱齊壽堪爲樂綵服承歡愜至情

戀闕丹心應更切都門指日候來旌

元夜陪駕讌午門

銀漢橫空寶月圓六鰲飛出五雲端蓬萊紫氣天中起玉

井紅蓮地上看蒲殿嬌歌留夜景千門羯鼓散春寒教坊
戲樂年年事願奉龍顏萬歲歡

挽薩公子

思親千里上神京回首那看隔死生修短固知有常理
詩書誰復繼家聲寡妻稚子情何極楚水閩山恨未平願
有尊翁承帝眷賜歸應爲築佳城

挽王氏忠愛祠

當年典獄佐專城况直潢池正弄兵推鞠平反多厚德
從縱遣遂更生臨汀廟祀彰忠愛翰苑官封表姓名
七看鍾後嗣狀元及第振家聲

天順甲申二月十八日聞 遺詔哭

英宗睿皇帝一律有序

臨軒策士受恩先史館 經筵總美遷 復正首承 天
語獎 賜歸每荷 聖情憐 大恩自愧曾無報 龍馭
驚聞已 上僊懸望鼎湖何處是哀號徒有淚如泉

正統十年三月

上臨軒策士親擢臣輅進士第一 賜冠服銀帶 授
翰林脩撰又明年 選臣輅并劉儼等十人俾 東閣
進學 經筵侍班未幾 諭學士曹鼐等曰商輅着他
展書選一箇與他對初選王玉弗稱 旨再選編修陳

文未逾月復諭鵬曰商輅這一對展書官就着他講書天順元年正月十七日上御奉天門受朝訖退御文華殿首召臣輅并學士高穀至與前慰勞再三諭之曰你兩箇無偏向的心我都知道好生用心辦事我要用你臣等頓首受命而退明日石亨等徑造閣中稱有旨來看詔草欲以已意增減輅等不從遂肆誣陷然上不從聽屢論亨等曰商輅無罪見說前日立東宮他與姚夔好生用心宜從寬典後閱臣輅所訴本遣太監陳鼎召學士高穀等議穀懼亨等勢焰但曰商輅爲人上所素知初無他意臣與同

事不敢言 上欲降旨着吏部取用時鴻臚楊善在旁
進言曰 陛下豈可朝令夕改昨日纔有 旨着他回
今日如何又取 上命遂寢復遣陳鼎 諭穀等曰商
輅可惜不知曾去未楊善復應聲曰已去了 上曰不
知去到那里善曰已過濟寧時輅尚在潞河守凍未行
自後 聖情惓惓屢 賜垂問得之傳聞不敢備錄每
切自愧違遠 天顏無階上報忽聞 遺詔不勝驚悼
卽日馳赴邑中哭臨行次港口適邑令遣人賁膳黃至
皆俯伏溪澣長號失聲時親友迎候者凡數十人皆感
泣揮淚至晚抵邑齋宿學宮感而賦此錄示同志庶知

輅之進用實 上之大恩罷出山林非 上之本意
君臣相得之情於此可槩見矣嗚呼痛哉嗚呼痛哉

歸田舊臣商輅拔淚謹書

增刻商文毅公集卷之六目錄

誌銘

遜菴先生銘

通議大夫羅公銘

正義大夫葉公銘

封奉政大夫趙公銘

副使馮公銘

封文林郎御史楊公銘

封翰林院編修童公銘

戶部原公銘

兵部吳公銘

特進榮祿大夫王公銘

碑銘

贈資善大夫李公銘

兩浙轉運使前順天府尹王公銘

碑文

勅重建南京朝天宮文

引

長江萬里圖引

商文毅公集卷之六

後學關東張一魁編輯

明經

方鵬舉方繼卿

吳人昌周上臣

嗣孫

商德懋商德元商德明商必成商踐猷商民寧

商民憲商運隆商運亨商是常商是翌商星瑞全校

銘

遜菴先生墓誌銘

遜菴先生卒其子烈不遠數百里徒步造門持妹之夫憂
實所爲狀致兄蕉之書奉先生遺言以墓隧之銘見屬輅
哭之不覺失聲嗚呼輅昔以門生受業乃今先生歿忍銘

之哉雖狀先生之遺命不可違也乃收淚而銘之先生姓
王氏諱端字汝善遜菴別號也世爲松江華亭人曾祖副
堂祖榮甫父惠號真素母金氏先生生而秀異始就名傳
卽有志遠大孜孜問學弗與群兒伍旣冠游郡庠從訓導
今致仕吏部尚書蕭山魏先生受書經取永樂丁酉鄉薦
宣德丁未會試中乙科筮仕淳安縣教諭秩滿陞處州府
學教授未至丁內艱服闋改福州逾年丁外艱正統乙丑
再改汀州景泰癸酉以疾求致仕天順元年十一月十五
日卒于正寢距生洪武壬申五月二十日享年六十有六
先生之至淳安也適學政廢弛士多逐末遇大比或弗逮

他郡士先生嘆曰此師道弗立也乃嚴條教以身率之會
簡閱詔下遂白當道去其才之無成者數十人羅致民
間之俊異者足其數朝夕聚而教之經書必使通念爲文
章必傳經義耳提面命日課月試雖隆寒盛暑弗厭大抵
先生之教以道爲重至古人忠君孝親之事必懇懇爲諸
生言之一時士大夫家凡冠婚喪祭之禮皆經先生指先
生亦毅然以師道自處嘗曰使我掌一邑之教必使百里
同風可也未幾士習丕變民俗胥化閭閻父老敬信先生
如神明學舊有魁星樓以宋大魁方逢辰諸公得名歲久
就圯先生捐俸爲倡構而新之摹刻文天祥所制魁字併

贊于上曰我將有待也比先生未終任而諸生取高第者
相繼出矣先生之至福州也施教一如淳安而嚴勵有加
其在汀州遇閩寇攻圍汀城先生召諸生語以死守計人
心思奮城賴以全景泰改元詔舉才堪時用而屈下位者
有司以先生聞力辭弗就是歲秩以考順天府鄉試入京
淳安諸生仕于朝者咸願請爵先生因先生以疾辭弗
果請還汀遂辭疾歸築室先塋之旁居之遠近學者踵門
受業先生以疾悉辭却之諸子欲便侍養奉迎先生還故
宅至月歲方許已而疾轉甚自度弗起指畫家事簿錄付
諸子如以墓銘屬輅皆治命也嗚呼聖賢既遠師生義缺

隋文中子唐韓退之非不抗顏以師道自任狀房魏藉湜
諸賢或不爲之傳或弗欲居弟子列則于恩義蓋未盡也
先生去淳安已二十年而諸生思慕之切雖飲食夢寐未
始一息置此豈非思義兼盡能如是耶先生嚴重方正而
存心忠厚見義勇爲于勢利澹然與人交久而益敬燕私
起居之間皆有常所戶庭內外不肅而嚴歲時祭祀必誠
必謹尤篤于愛親在淳安時父貞素先生母金孺人皆無
恙迎至官所備極孝養後遷福州金孺人已歿貞素先生
年向邁必欲迎致之及卒徒步哭泣扶柩以歸先生學博
而才瞻文章典重詩詞清麗善真行書得晉人筆法尤通

明國家典章及法律盖少有志功業後得教官遂專意程
朱之學晚知道不行也著號遜菴以見志論者謂先生操
履之確學問之正雖古之君子無以過之盖名言云

通議大夫南京都察院右副都御史羅公墓誌銘

致仕南京都察院右副都御史南昌羅公以疾卒于正寢其兄子穆不遠千里赴浙藩求父執張大叅宇中狀復不遠數千里抵京師求予銘予感泣穆亦泣徐曰此叔父遺命也謂必得先生銘斯平生之志弗遂泯泯於乎予與公同處太學者三年同舉進士同官于朝者十年及公與外憲不相見者二十年情意相孚音問無間方期後會以罄生平詎意遽銘公之墓耶於乎公姓羅氏諱箴字應韶別號知菴先世自泗州遷吉州又自吉州遷南昌詩禮相傳代有聞人曾祖文富號荊軒仕而未顯祖德厚號恕堂

游學朱萬諸公之門弗仕而隱父琰字公器號靜止老人
學行尤爲鄉邑所重時少師東里楊公祭酒顧菴胡公輩
皆樂與交公生有異質自幼嗜學七八歲時長者試以口
對應荅如流十四補郡庠生晝夜淬礪貫通經史爲文雄
健滔滔弗窘提學僉事諸暨王公廉明方正慎許與每考
閱公文稍賞獨至由是聲譽燁燁顧菴致政歸聞而召見
試以七題迅筆立就顧菴喜曰此倚馬才也他日所就未
量遂以姑女毛氏許妻焉正統辛酉以易經領鄉薦明年
會試辭乙榜卒業太學祭酒古廉李公一見知爲偉器深
加獎異乙丑登進士第擢雲南道監察御史明憲紀精律

用法平恕時聞寇嘯聚官軍破之獲少壯五百餘悉論
以死公請總憲曰法十五以下得不死況其中豈無脅從
者乎總憲悟言諸朝允之凡活三百餘人戊辰奉命
清理太平寧國各府案牘吏胥畏服其明時寧國學宮傾
圯公設法新之遇早有司屢禱弗應公爲文叩龍潭廟雨
隨至遠近懽洽已巳奉勅賞勞甘肅官軍還遼北賊犯
京師公歷舉邊將賢否軍士勤惰關塞險隘及防患禦敵
之策條陳以聞多見施行景泰庚午蒙推恩封其父
如巳官母郭氏封孺人故室毛氏贈孺人辛未陞浙江按
察司副使至則振肅風紀聞男女出入祠廟及湖山遊觀

之費侈靡卽下令禁之明年總漕船數千艘赴京區畫有方無敢後期先是運船例三年一新民出費鉅萬猶不足公親爲樽節浮蠹以餘錢還民民德之鎮守內臣設邏卒爲應捕人獲郡盜數十受其賄縱之仍寃執平民爲盜公庶得其情逮應捕人正其罪而寃者得釋癸酉陞本司按察使無何丁內外艱家居服闋改湖廣時辰州苗爭田土讎殺鎮守諸臣皆欲興兵勦之公曰因利爭奪夷性之常宜先移檄諭之弗從誅未晚也檄至苗皆順服成化乙酉入朝遼沅靖苗寇蠭起道爲之梗上命公乘傳往招諭之丙戌遣使賫勅陞公都察院右副都御史巡撫湖廣

贊理軍務總督糧儲公竭智殫慮力備報稱所在苗寇獮
獮公偕總戎率官軍進勦破其寨棚焚其室廬斬賊首至
二千餘級生擒二百餘名邊境寧謐捷聞上遣使賜綵
段表裏鈔二千錠嘉勞之湖廣城距大江甫尋丈每風濤
冲激人危甚公請諸朝假力于徃來商販之舟運石築堤
護之不數月工成歲歉民艱食公講求荒政開中鹽之令
行平糴之法緩催科禁冗食省無名之費罷不急之務不
三年積粟六十餘萬石民困以甦兵餉亦足已丑賜誥
進公通議大夫贈太父父祖妣妣皆如制庚寅命掌南
京都察院事厘革弊政紀綱肅清辛卯郊䟽陳彌灾八事曰

崇聖道親萬幾用正人遠邪佞納諫諍訪治道惜府庫察民隱賞賜不宜太濫刑罰不宜失中官船運物不宜太煩各邊飲宴不宜太盛皆切時要務勅褒荅之兼提督操江官軍而公躰貌豐偉艱于步履疾又間作屢䟽乞休致言甚懇切優詔許之比歸杜門謝客間遊城南別墅徜徉終日久之舊疾加劇醫藥弗效遂卒寔甲午五月二十四日也距生永樂丁酉五月十四日春秋五十有八訃聞上悼惜命官營塋事兩京士夫皆遣人致奠公天性孝友存心仁恕與人交誠意懇至見人患難極力拯之嘗經嘉興暴風大作二客舟幾溺公急督人救之獲免國子助

教李洪公鄉人也後任南京鴻臚丞不能歸公捐俸賙之
覓舟送其妻子護柩歸塋宗族親舊貧乏弗給者勿田和
之入悉分惠焉嘗置華家塘地爲義塚以塋宗族死無所
依者而且學博才贍文章典麗詩尤清雅所著有知菴集
若干卷公嘗言吾爲政無過人者但用兵而全千家之命
年饑而起萬灶之煙自謂于民頗爲有益初娶毛氏累贈
淑人繼娶劉氏前戶部侍郎姑蘇連之孫女封淑人生子
男二長積次楚女三穆等十以卒之明年月日塋京家山
之原從吉兆也從而銘之銘曰南昌羅氏世著德善積厚
發宏挺生碩彥有學有文有識有見遂登甲科遂陟臺憲

志存竭忠才堪應變誅惡摧姦風行草偃歟歷有聲進退
無玷功成名立夫復奚憾吉上之原于焉歸寔貞石鐫銘
垂示悠遠

正義大夫資治尹吏部左侍郎謚文莊葉公墓銘

成化十年三月八日吏部左侍郎葉公卒于西長安街之第予往哭之已而其孤晨奉冢宰尹公旻所狀事行造予乞銘晨且泣予亦嗚咽揮淚弗能止盖公與予同舉進士同仕于朝心相孚而情相好且三十年矣公歿予失一益友悲惡能已而銘亦惡能辭用次事狀而銘之公諱盛字與中姓葉氏世爲崑山右族五世祖秀實益廣田廬于崑山之泖川鄉子孫因家焉魯祖茂林妣朱氏祖明贈通議大夫吏部侍郎妣郭氏贈淑人父春封兵科給事中累贈通議大夫吏部侍郎前母湯氏母陳氏贈淑人繼母沈

氏封太淑人公天資穎異自幼嗜學比長誦極群書爲文
有奇氣同邑張憲副和未任時已有文名見公所業驚曰
此其志不可量因勸游邑校學業日進未幾文名與張等
正統乙丑以書經登進士第擢兵科給事中毅朕以平定
安戢自任己巳秋八月車駕北狩蒙塵公憤憤數月不
寐曰是尚可以易生乎卽率同列引將臣失律敗事之罪
請先誅責以謝天下朕後選將練兵問罪讐賊如此則大
綱以正大義以明而聖駕之旋可期矣上嘉納命掌
科事十月賊犯近畿公極陳脩禦之策大要謂賊情變詐
當以和議爲餘事以戰守爲實功四二日間凡七八奏言

皆切要多見施行賊退封賞有功而未及死事者公歷舉
以言擢本科都給事中大臣有奏留守邊將臣脩京師者
公言今日之事急在邊關往者獨石馬營不棄我軍何以
陷土木紫荆白羊不破賊騎何以薄京城居庸不失逆賊
何以遽逃遁若但保九門無事其如陵寢及田野之民何
會有報河南陳縣流民數多恐乘隙生變詔公往撫視
除虐吏脩兵脩勸貸賑濟民用安輯景泰庚午三月召還
公以北邊賊寇未寧西南蠻獠爲患上䟽請求直言責文
武大臣臺諫侍從各獻安邊濟時之策辛未六月以天象
數變奏彌灾防患十二事及請復午朝之制隨陞山西布

政司右叅政監督宣府等處糧儲尋命協贊駕營軍務時獨石等八城經賊失守公至招撫流亡修舉廢墜擇勁卒以守要害諸怯懦則悉驅之農畝官給牛俾專力耕種歲收其糧貯之爲市牛馬器械之需置暖舖以便行旅蓄醫藥以療人病建社學以教軍中子弟設義塚以收瘞道傍遺骸自是邊境寧謐歲亦屢豐有嘉禾同穎之異丙子冬以外艱去八城之人如失慈父天順戊寅三月英宗皇帝素知公忠驛召至京慰諭甚至四月擢都察院右僉都御史巡撫廣西公至會合總戎征勦蠻寇累數十萬破賊巢八百餘所獲回被賊良民貨物等項無筭凡利弊之當

興革者多所建明如請立梧州總府以經畧廣西坐收舊
商余和以資給軍餉至今稱便甲申今上嗣位墜公左
僉都御史巡撫宣府所行一如獨石時而墾田益廣所收
餘糧一歲買補戰馬至千八百餘匹修築拒敵寨堡至七
百餘所邊人利賴成化丙戌詔天官舉文行超卓大臣
預幾務公亦在舉丁亥奏請邊方通行養老之令及旌勸
公忠文武之臣敘事朝論題之是歲召拜禮部侍郎戊
子冬命偕給事中毛弘往南京覆實大臣所考察部屬
等官去留惟公輿論攸服己丑進吏部右侍郎尋充正使
持節封瀋府稷山王庚寅畿內告歉命公巡視真定保

定二府及賑濟在京軍民區畫適宜流移得所壬辰北賊
寇陝西延慶等府命公往彼會議戰守方畧以聞公所奏
刈削險隘增築城堡添兵戍守及招募土人以時訓習等
事皆鑿_上可行九年轉左侍郎階正議大夫資治尹公感
激_上恩遇益思報稱而遽以無疾卒朝野惜之訃聞_上
震悼特賜寶楮三千貫謚文莊命有司諭祭營塋事卹典
甚厚嗚呼公之學期有用故所至政蹟卓異及爲卿佐達
于典禮明于事故遇事從容贊決多所裨益其長僚深加
敬信無少嫌疑且孝友忠厚謙約節儉所寓門無雜賓而
于族姻故舊必接之以禮士有文行修潔及慷慨負節義

者無論窮達必傾心待之公務之暇手不釋卷爲文典重
諛博語詞儁雅所著有菴竹堂稿涇東小菴水東詩文稿
開封紀行詩西垣奏草邊奏存藁兩廣奏章上谷奏篇水
東日記衛族考若干卷葉氏書目六卷碑目十卷公生永
樂庚子月日春秋五十有五娶童氏先卒贈淑人繼耿氏
封淑人刑部尚書靜專公之女國子司業裕之妹童氏子
男一卽晨補國子生女一適舉人虞臣兵部侍郎祥之孫
耿氏女一許夏景澄太常卿王公之孫中書舍人文振之
子側室唐氏女一在幼公之墓在邑之西山之原其塋以
卒之明年二月一日銘曰賢才之生鍾秀山川申呂嶽降

在古則狀猗歟文莊天資卓越存心坦諒操行峻潔問學
內充才華外著登科入仕逢時遇主言論之心設施之
善有體有用有識有見忠在國家功存邊鄙業堪范儔
文將歐繼偉矣人傑實惟地靈稽行有謚述行有銘吁嗟
文莊昭代名臣身雖云亡不亡者存

封奉政大夫通政使司右叅議趙公墓誌銘

公諱傑字子奇姓趙氏先世鳳陽壽州人 國初魯祖大

恭從 高廟起兵積功至燕山護百戶祖士達父源清相

繼受代永樂間源清隨征有功進常山護衛正千戶毋李

氏封宜人公性淳樸自幼喜讀書涉獵經史比長交游文

士惇行孝友言溫氣和脫畧純綺識者皆以遠大期之父

歿公以嫡長承襲洪熙改元調羽林前衛治戎撫士寬猛

得宜同官推重曰趙將軍文武非吾輩所及宣德中有

詔罷前任護衛官蔭襲公遂閑退了無愠色乃更學爲醫

檢方聚藥遇有以疾告者輒爲治療弗責報嘗語人曰吾

無益於時庶幾以此少試濟利之萬一耳子昂穎異擇師
訓之朝暮勸課其業甚力而由京庠生取鄉薦登正統乙
丑進士歲己巳公因昂貴受封徵仕郎中書舍人天順庚
辰進封奉政大夫通政使司右叅議兩膺 綸命愈執謙
退足弗履官府言弗及人過失或以非理見侵亦安然受
之親賓至必款番竟日盡懽乃已出則褰青帑數十百文
袖中以給丐者晚年益康裕居常布袍常帶杖履里門諸
孫侍側愉愉如也成化甲午正月十四日晨起衣冠而坐
如假寐然移時遂卒距生洪武丁丑三月四日壽七十有
八配張氏稱賢助封孺人再封宜人繼王氏子男一卽昂

筮仕中書舍人進兼司經局正字歷翰林編修通政叅議
闔疏樂易所交皆一時名士有聲於時娶李氏京師士人
仲英女贈宜人再娶張氏繼潘氏武驤右衛指揮安之女
封宜人女一王出也適武驤左衛指揮劉達孫男六長翊
鄉貢士娶蔣氏尚寶卿敵之女次竑聘馮氏憲副定之女
次端次靖次立女三長適閩府尹子大學生璘次適程司
馬子敏行次許嫁楊叅政子鏞曾孫男一女三昂以是年
二月二十一日卜塋東直門外長慶壩祖塋之次奉編修
程敏政狀造予泣拜請銘予與同年知公爲深不復以蕪
陋辭遂序次其事而銘之銘曰趙氏三世顯以武功出武

人文實始自公長身偉貌博帶寬衣心存利濟術究軒岐
平生行善率多類此善積乃躬慶延後嗣都城之東水深
土厚琢辭同藏以示永久

廣東按察司副使馮君墓誌銘

君姓馮氏諱定字士定別號竹軒姑蘇吳縣人曾祖祖皆
隱德弗仕父瑞號慶菴以君貴封文林郎雲南道監察御
史母秦氏封孺人君天資清俊穎悟過人父母鍾愛之自
幼隨二親僑居京師今戶部尚書關西楊公任翰林編修
時君從遊館下盡讀論孟大學中庸諸書講究精詳繼授
以易尤能研窮奧理作爲文章深合經義公甚器重之弱
冠選補順天府庠生領景泰庚午鄉薦明年辭一榜甲戌
中進士前列改翰林庶吉士預纂修寰宇通誌丙子書成
受錫賚擢山東道監察御史尋改雲南道天順戊寅奉

命往河間等處巡捕盜賊軍民安堵已卯巡視京城內外
倉場宿弊清革庚辰巡按貴州官吏震肅民夷化服癸未
奉勅往廣東公幹還奏稱旨成化乙酉九載蒲陞廣
東按察司副使蓋簡命也丁亥值外艱還姑蘇守制哀
毀踰禮服闋改陝西憲副以路遠弗及迎母就養朝夕戀
戀未幾得代再除廣東奉母以行適寇攘弗靖邊務控總
君爲都憲韓公及揔戎諸公所知凡軍中事悉以咨焉君
竭心殫慮出入瘴癘遂成羸疾稍愈進表赴闕甫竣事
疾復作心神恍惚竟致大故聞者莫不驚悼實甲午十一
月初六日也距生宣德丁未十一月春秋四十有八娶張

氏封孺人子男一曰恭女二長善秀許嫁通政叅議趙公
伯顒之子京庠生茲次在幼恭卜以丙申二月二十八日
塋崇文關外東臯村回回店之原奉叅議公介狀毋姨之
夫凌君宗海謁予乞銘昔君試禮闈予忝校文數年來君
執門生之禮甚謹予亦期待甚至僅止于斯爲之銘曰通
敏之資卓犖之才早登甲科遂陟烏臺敷歷中外凜凜風
裁驥騁康莊鵬搏九陔方期遠到晉升崇階倏然歸化孰
不興哀嗚呼士定庸非命耶爰述斯銘詔其後來

封文林郎江西道監察御史楊公墓誌銘

公姓楊氏諱自愈字樂之別號見數居士以子守隨貴封
文林郎江西道監察御史成化乙未三月二十四日終于
正寢守隨時出巡江右聞訃號慟累日循例赴京復命
守制卜以丙申九月日塋里之和家阜先塋之次奉姻友
武選郎中洪常所述事狀謁予求銘按狀楊氏世家浙之
鄞縣公曾祖輔道祖浩卿皆有隱德父九疇號樓芸業儒
學者稱爲樓芸先生娶朱氏生三子長自懲泉州倉副使
以子守陳貴贈翰林編修階文林郎次卽公次自恣承事
郎公性沉靜自幼嗜學承樓芸之教博覽強記經書通貫

曉柝下至史傳所載嘉言善行考索弗遺居家孝友自懲
仕南北自恣隨以行公獨任家事治生產養二親甘旨弗
缺自懲終于閩公聞訃號哭失聲繼值親喪哀毀尤甚塋
祭皆以禮訓諸子姓經書悉口授弗倦一門之內怡狀禮
教人無間言公兼曉星曆醫卜精于筭數家儲穀粟每出
糶必颺去糠粃平權量寬價直弗邀厚利居鄉莊重寡言
笑人不敢狎雖里中豪俠恣肆無忌憚一見輒引去所交
皆一時耆碩非公事足跡弗至官府守隨舉咸化丙戌進
士明年奉使江右事竣順道歸省公戒之曰汝去自有職
守當盡心報國惟清惟慎夙夜弗怠庶有光門戶守隨

教而行抵京擢江西道御史聲譽藉藉三載馳封
下公適年七十烏紗綉衣赫奕閭里人咸謂孝友忠直所
致公存心有常如始而家道中衰處之泰然無戚色及守
陳遷學士守隨執憲紀其他子侄科第蟬聯家聲震動視
之洎如初未嘗以執凌人誠忠厚士也公生洪武庚午十
月初十日壽七十四配張氏封孺人子男二長守防次卽
守隨女一適建溪童灼孫男六孫女二銘曰楊氏世德其
積已久承以見素培之益厚孝親弟長教行于內公忠諒
直天錫多祉詩書科第萃于一門衣冠之盛他族罕倫蓄
厚發宏餘慶未已子孫孫子垂濟厥美

封翰林編修童公墓誌銘

公姓童氏諱善字復初別號竹軒世爲浙之錢塘人曾祖
耆宿祖丞之有隱德父彥中寬厚仁恕與物無忤鄉人以
童佛子稱之洪武中以藝能徵至金陵永樂間來北京遂
占藉大興家焉娶同里譙氏有賢行生子二公其長也公
性謹厚讀書通大義弱冠彥中甫歿卽奮自櫛立事母克
盡孝敬撫弱弟慶篤于友愛有姊已嫁而寡養于家者四
十年表姪王鑑孤貧爲置居娶室資以生計外親朱祥死
家貧甚將鬻園地以塋公聞之遺白金俾治喪具地得不
鬻隣居貧無業者皆貸之資本弗責其償每隆冬作粥以

食饒者五月五日製膏藥施人以療疾無不愈平生尚義
輕財而急于周人之急拯人之危人感公德或以纁帛見
報堅弗受壯年喜飲酒賓客相遇必傾倒盡歡善歌古詞
調酒酣擊節放懷意度豁如喜蓄前人法書名畫精于鑑
別一時名公如三楊如李忠文錢文肅諸先生禮遇甚厚
咸有詩贈遺及太常程南雲黃養正夏以平諸人交往尤
密晚年置庄城東構草亭其間扁曰東臯別墅盛植花果
暇日携童策杖葛巾野服徜徉自適樂而忘反景泰甲戌
以子緣貴蒙 推恩封文林郎翰林編修天順癸未還錢
塘展祭先隴烏帽錦衣遂桑梓之樂人以爲榮成化改元

冬染微疾復思北還比至屏棄外務靜處一室左右方書藥物調攝唯謹疾用弗殆今年秋忽命緣製爲深衣幅巾成喜曰行以是歛我未幾舊疾復作遂卒實巳丑十一月十五日也距生洪武丁丑正月十日壽七十有三配王氏封孺人子男四長卽緣景泰辛未進士歷官右春坊右庶子文學行誼爲時所重其名位未量次琮次瑾早逝次瑛皆善幹蠱女二以適丞事郎張錦鄉貢進士孫昂孫男三曰仁曰禮曰永堅女二一適義官馬瑄一尚幼公臨終囑諸子以後事謂緣宜竭忠圖報國恩琮瑛宜勤儉植家業卽吾死瞑目矣諸子號慟絕而復甦卜以十二月十一

日奉柩塋城東慶豐里之原緣匍匐具事狀造予以銘爲
請嗚乎予辱交于公父子間者二十餘年銘可辭哉遂次
其事而銘之銘曰錢塘童氏世有隱德蓄厚發宏延慶京
邑自公有立聲稍藉藉禮交縉紳惠施姻戚詩書訓子官
登禁密烏帽綿衣推恩錫秩振後光前伊誰與匹富貴功
名其來無斁述行勒名永垂玄室

兵部左侍郎吳公墓誌銘

兵部左侍郎新安吳公永清引疾家居者三十餘年成化壬寅十一月十日考終正寢距公生洪武己卯三月七日壽八十四事聞上特遣官諭祭命工部造塋域恩典隆盛諸孤綱等懼潛德未白屬其甥南京戶部員外郎江正述事狀詣于淳安山中泣拜請銘刻石墓隧用圖不朽其孝可嘉也按狀公姓吳氏諱寧永清其字系出吳太伯後唐時有諱少微者舉進士歷監察御史實新安人公遠祖也少微後曰開先遷居歙之澄潭至宋曰大用復遷幸墟大用子永年融州司戶司戶子嘉靖壬午省元數傳至雷

應無子以從子明善嗣公大父也明善無子以公父仕仁
嗣仕仁甫倜儻弗羈行誼爲鄉邑所重配許氏名門女有
淑行子三人公其季也公資穎敏自幼立志遠大言動老
成異于凡子年十一有司遣補郡庠生祖父欲辭避公曰
鄉相胥此出曷爲避之祖父壯其志從之公由是盡心問
學經書子史靡不涉獵晝夜淬勵期底于成無何祖父繼
殞公執喪盡禮服除以春秋領永樂庚子鄉薦乙巳許安
人亦逝公懼弗得吉地以襄大事哀傷不已忽夢有人指
其處及遣術士視之果吉遂塋焉人以爲哀感所致宣德
庚戌中進士前列乙郊授行在兵部武庫司主事公庶勤

有爲聲稱籍甚正統戊午陝西涼州守臣以回回迭萬力
等類禱處內地非便奏送京師上命公馳驛轉浙江沿
海地方安插聽其貿易生理公言此類貧者居多若止許
貿易資糧費給竊恐言語不通水土不服未免失所有虧
柔遠之仁詔許可大者月給糧四斗小半之遂以爲例是
歲考績受例勅贈父仕仁甫承德郎兵部主事母許安
人乙丑遷職方司郎中丁郊命公克副使持節徃楚
府封通山王及妃周氏爲通山王妃凡王府餽送悉卻不
受濱行諸親藩相率賦詩裝演成軸以送之歸未幾公以
无刺也先勢漸猖獗不可不預爲之備言于尚書鄺公以

湖廣南畿征進陸川凱旋官軍撥充攢運山東河南北直隸漕運官留守操練一旦有警易于調遣鄺公是其言行之戊辰沙尤盜起命都督劉聚率師征勦勅公往南畿會同守備豐城候李賢等簡閱軍士府聚統領公至清出私占之數居多人心稱快已已寇犯順英廟親帥六帥討之鄺公以公老成練達留治部事公乃招募報効人王敬等五千餘名分撥留守五衛帶營操守仍督山東河南等處官軍至京受以器械併力禦賊已而土木失利公慮逆賊必犯我畿甸急陳備邊十事奏留山東下班都指揮衛穎等乞遣廷臣分行江北地方起取民壯及今江南

漕運未回官軍留守京城并河南等處實藻官軍舍餘與
守海官軍悉赴京操備八月三十日陞公兵部右侍郎階
嘉議大夫復以前郎中勞給誥進賜贈仕仁甫爲耿方
郎中許爲冝人九月賊入寇大同邊報甚急景皇帝命
上尚書總督諸軍禦之公獨掌部事十月賊入紫荆關布
列郊外上命公出都城與總兵議殺賊方畧公詣德勝
門外營會議而還至門勿啟賊騎充斥從者各驚散郭外
居民潰入城者塞路公立淋雨中移時衣盡濕賊退乃入
是時畿內民庶朝夕相率南奔弗可遏總戎欲請詔天
下勤王公曰不可如此則人愈驚疑莫若以官軍賊本末

移檄郡縣出榜撫安庶可彌變因具奏行之賊旣遠邇京
畿莫安而公以勞傷成疾明年景泰改元病大作不能視
事遂進疏陳情乞歸田里優詔允之旣歸疾漸平復杜門
謝客足跡不入城府建祠堂以奉祖考課耕桑以供賦稅
訓子孫以圖報稱客至觴款盡情或吟咏爲樂待族姻故
舊恩義兼至與鄉人處漠然無官貴勢自郡邑大夫至閭
巷之人莫不敬而愛之卒之日遠近赴吊門不能容公配
汪氏累贈宜人次呂氏周氏丈夫子五人長綱汪出次縉
次紳呂出紳以春秋領丙子應天鄉薦授都昌尹陞沂州
知州次紋次綺周出紋亦以春秋領辛卯順天府鄉薦女

一汪出遼士汪惠生子卽員外正舉成化己丑進士歷官
南京戶部主事貤封父如其官母爲安人公慶澤所及也
孫男十二潏瀚濟汶滄源澍潤濬潛淵潭瀚綱之子亦以
春秋領丁酉鄉薦皆俟次進士餘各有志向學孫女十嫁
聘皆鉅族曾孫男四椿楷楫槐女三俱幼綱等卜以癸卯
十一月二十七日奉塋十四都龍罷溪之陽從先塋也于
乎公耿介士也與人交開心見誠是非之際直言無隱初
不以勢利有無趨舍所著詩文亦典則雄渾類其爲人予
忝同朝相知爲深因節畧狀序而銘之曰歎之山川旣
秀且清挺生賢才爲時俊英制科高涉郎著蜚聲遷佐司

馬位隆亞卿胡虜構入都人震驚兵威旣振狐兔遁形力
贊廟謨坐閱昇平功成身退名重朝廷肖子哲孫蟄蟄繩
繩詩書克詔宦業相承慶澤之盛德善之徵何以考之視
此刻文

贈資善大夫都察院右都御史李公合墓墓碑銘

贈資善大夫都察院右都御史李公永恭蜀合人今都御史實之祖以正統丙辰十一月二十六日卒明年十月初五日塋鳳棲山後十五年爲景泰辛未以實貴贈今官配史氏封太夫人乙亥七月二十日太夫人卒實時丁母夫人憂還以是年十二月十九日之兆奉太夫人柩合塋崇加土封域如制實爲銘藏之復走京師屬予文其墓道之碑按公諱字永恭別號靜軒先世江右臨江之武陵人代有仕藉元季兵亂公之父友政始徙蜀擇勝得合州居之母劉氏以洪武壬子五月二十七日生公公性穎異讀

書明理外方內仁勇于爲義雖家日益裕而自奉恒儉約
言語侃侃衆所敬服鄉人有爭競必求公直之公以理開
諭剖析咸得其平公視族中幼而孤者撫育之長而貧者
婚嫁之疾病弗自療者醫治之死亡無所託者歛葬之隣
里有所假貸者隨其人力所能償之有弗償弗以責于人
久之或并其券折之由是賢名聞遠邇州守薛均譚垠柳
雄皆延公至廳事詢以民務公爲條具甚悉數人者力行
公言咸著政績公擇善而交有弗善雖處富貴或親戚弗
苟與往來由是小人多側目欲害公已而公被累州耆老
數百人競至巡撫大臣訴曰刑法本以勸善懲惡若李公

爲人善良而以誣坐遷正謂玉卮不分吾鄉人何所取以
爲法耶當道者憐而釋之而小人竟莫能害公以德感人
類此實方幼公鍾愛之每語人曰吾家積善之報其在是
乎是兒異日必能亢吾宗但吾老病日侵弗及見其成耳
實甫七歲卽遣就外傳比長命入郡庠受博士經公諭之
曰經史之外宜兼通律意蓋刑以輔治不可忽也實受命
唯謹公一日得疾呼諸子及孫勉以修身治家孝親忠君
之務言畢沐浴衣冠而逝時壽六十有五太夫人史氏本
湖南人合州守鍾仁之孫處士汶傑之女以壬子二月二
十八日生及笄歸執婦道敦孝敬勤儉相家公性嚴毅太

夫人以婉順濟之閨門肅睦無間言實巡撫湖湘太夫人年八十餘尚無恙實嘗迎致之實讞寃獄全活八十餘人太夫人教曰爾心如是庶幾不負爾祖之訓吾無憾未幾還合州實亦尋罷巡撫還京踰年而太夫人壽八十有四側室牟氏先公卒子男三長祥以實貴封資善大夫都察院右都御史娶何氏封夫人次崇娶王氏次瓊娶申氏女二長贅李恕次適劉根孫男二長卽實登壬戌進士擢禮科給事中遷都給事中尋陞禮部右侍郎使賊還以功進資善大夫都察院右都御史娶熊氏封夫人次英娶王氏女四長贅熊秉中次聰王璠次聰何亮魁皆郡庠生次在



室曾孫男一女四長贅晉守鎮撫者早卒餘幼易曰積善之家必有餘慶李氏家合州甫五世而衣冠蟬聯聲華赫奕若是豈非積善之報耶觀于公及夫人有足徵矣敬用叙次其事而系之以銘曰李氏先世家于臨江代有仕藉著稱鄉邦自公先考始徙居蜀本大末茂遂成令族公性仁厚力于爲善惠周宗婣德孚里閭爰有善配淑真慈良克相君子家由以昌積善之報徵于再世篤生賢孫聿躋顯仕寵祿光大聲華赫奕推恩錫誥賁于存歿鳳棲之山埽焉斯墳何以昭德視此刻文

海文毅公集後序

昔受命於王父曰士君子立志必取法第一人聿若
商文毅公齊徽汴國文正不愧科名文章德業麟炳祿渠
竊志之曰諼及受詩勾章問奇 崑阜師門師幾三元
第鄉錄名屈在三宗工藻鑑謬許台小子健翮凌霄必
繩瀛洲芳躅授以歷朝及第策於以昕收勉圖期無負
祖訓師傳迨丁卯幾弁淞闡爲策刺厥監宮操因見擯
後九戰而幾雋者再數奇如何遂杜門刪詩志與古稽
緱山長嘯遺世如蛻柰狼烽燹無地藏修幡然出山
寄瓊青溪奎閣爲

文公舊讀書地餘輝波映丙夜恍聞九天咳玉生恂遐
慕覲灸耿光謹以郊闈蕢言化蝶而贅正 先生亮必
有以許我蓋讀罷厥諸䟽而知所志同也 先生立朝
大節載光青史向嘗閱吾學通紀欽拜英風今偕賢雲
初 孚生君游獲縱觀家珍琅環文光韜久不磨與星
漢回昭斗岳齊壽梓而廣傳嘉惠承學興起人文 先
生功著千古矣幸較金根竊分藜照聲施附青雲敢勗
後之同志

聖甫後學真世愷元弟氏拜書於淳署青藜閣



增刻高祖文毅公集後跋

先文毅自掄元陟槐棘文章事業煌然汗青為後裔者
即勉思祇適固知無補高深也然竊維汗青所載特其
大畧凡夫論思密勿敷陳時政錄不數事、不數語自
非身入承明讀中秘書者鮮克知其全文至其餘寄咏
於湖山景物散見於婚姻僚友間者又為國史所不及
如是而滄桑之後得不虞湮沒弗彰乎 先大夫薨原
公自筮仕來矢志蒐緝業已付梓凡採風之至於邠者
皆得以呈覽後索者甚繁邑父母將板存庫以備不時
之需甚盛心也我

清定鼎初年一燬冠手協惻然動念者久之比長男民宗
登壬辰榜即毅然謀復梓又以乞符當繁衝之地朝夕
戎馬芻蕘未遑也茲者以舒長暇日冀庶新梨棗而
先大夫所輯前稿已不盡存是 祖澤猶未大光而協
亦終有難釋然者夫上臣事君以心不能不發而為言
議論所及皆忠肝義烈也藉令於有闕 廟謨者或多
未載則天下不聞讜論而後世且無以為則若夫流連
比興之語往來酬酢之詞雖曰嘗一截亦足知太牢之
味然協觀諸子百家非必行為可法而言有足佳迄今
諷詠不衰 先文毅本忠孝以敷文章詎可使散逸

細不盡公諸海內乎且也 先文毅早顯當世歷相三
君遭遇極隆而其間處危疑當除難一見於土木之變
一見於曹石之誣使非錚錚鉄石鮮不波靡而卒能回
天意保身名優游林下以養天年則其言皆出自明心
見性有獨得其坦夷而無私於毀譽是言也亦史也詎
曰雕虫小技不足雲漢昭回也哉協曰購求簡次將今
日所及觀者彙付剞劂首制孰明科名所由始也次疏
奏與絲綸明勲業所由隆也次記序與詩賦碑銘襍著
明藻采所由彰也語曰雖無老成人尚有典型是編其
典型也夫諸

君子幸惠一言以為重則先文毅益藉以不朽云
皆

大清順治疆圉作噩之歲仲秋上浣穀旦

七世孫商德協謹識

